


天一閣書目

集部

卷四之一



			二四六九	漢書門
一	一	九	一	
冊	架	函	號	類

庫	文	閣	內	
二	二			漢
九	四			書
函	六			
一	九			
冊	架	號	類	


內閣文庫	
番號	漢 2469
冊數	10 (7)
函號	297 88





天一閣書目

集部



淺草文庫

楚辭類

七種九十九卷

別集類

三百六十五種四千六百二十四卷

總集類

三百一十一種五千七百十五卷

雜著類

三十四種二百八十四卷

詩文評類

四十一種三百八十三卷

詞曲類

六十八種四百六十五卷

補遺

三十八種二百七十六卷

范氏著作

十六種五十九卷


天一閣書目 集部目錄

共計八百八十種一萬一千五百四十五卷

天一閣書目卷四之一

集部

楚辭類



楚辭十七卷

刊本

○漢劉向編集王逸章句明後學西蜀

高第吳郡黃省曾校正

楚辭十七卷

刊本

○明正德戊寅王鏊重刊序云楚辭十

七卷漢中壘校尉劉向編集校書郎王逸章句逸之註
訓詁爲詳朱子始疏以詩之六義援據博義理精誠有
非逸所及者然余之情也若天問招魂譎怪奇澁讀之
多未曉析及得是編恍然有開於余心則逸也豈可無

一日之長哉

楚詞十七卷

刊本

○漢劉向編集王逸章句明王世貞序

云梓楚詞十七卷其前五卷為漢中壘校尉劉向編集尊屈原離騷為經而以原別撰九歌等章及宋玉景差賈誼淮南東方嚴忌王褒諸子凡有推佐原意而循其調者為傳十六卷則中壘所撰九嘆以自見其意前後皆王逸通故為章句最後卷則逸所撰九思以附於中壘者吾友豫章宗人用晦得宋楚詞善本以梓而見屬為序

洪興祖補註楚辭十七卷

刊本

○序殘闕

楚辭集註離騷五卷續離騷三卷又後語六卷辨證二卷

刊本

○宋慶元己未朱子集註

篆文楚騷五卷

藍絲闌鈔本

○明正德庚辰長沙熊宇撰并序

楚騷協韻十卷

刊本

○明甬東田叔屠峻撰四明沈九疇

序云楚騷上述皇王旁羅近代比物連類銓綜三才其於聲韻當不詭於先王矣後世讀不復諧遂以槩之楚聲且夫童歌里曲猶或沿方雄文麗藻取會風雅假令闡六義之文仍南方之陋其何以爭光日月櫜詞賦之祖也屠田叔氏博取韻書裁衷經訓務求諧暢積有歲年遂成協韻十卷其用心亦勤矣後之讀騷者其以田

叔氏爲南車也吳郡黃姬水亦有序

別集類

謝靈運詩集二卷

刊本

○吳郡黃省曾編次序稱學士大

夫傳誦者止昭明所集予南遊會稽偶見舊寫本又得登游之詩自永嘉綠嶂山以下十三首皆世所未覩乃合舊新併及樂府錄爲二卷詩凡六十九首

謝宣城集五卷

刊本

○晉謝朓撰明任邱藜晨校刊正德

辛未康海序云宣城集舊十卷宋以後止傳其詩賦五卷其五卷者皆常時雜文不如詩故不傳也劉侯知武功之二年一日來滸西別業見宣城集嘆而刻之劉侯

名紹字繼先濮人嘉靖丁酉任邱藜晨跋後

東遊小稿一卷

刊本

○晉謝東山撰

阮嗣宗詩集一卷

刊本

○晉阮籍撰正德八年北郡李夢

陽序云鍾叅軍曰嗣宗咏懷之作洋洋乎會於風雅使人忘其鄙近斯爲不佞矣顏延年註今莫可攷見今以故所鈔籍咏懷詩八十篇刊諸此詭缺姑仍之俟知者校焉天水胡纘宗校正德十五年并跋嘉靖二年關中夏亨重刊

何水部詩集一卷○梁尙書水部郎何遜著東海王僧孺集其文爲八卷明正德丁丑雲間張紘刊并跋曰何詩

舊與陰借刻余謂二家體裁各出不當比而同之爰獨取是集芟其繁蕪錄刻實郎署中有闕誤則因之而不
敢益

唐太宗文皇帝集一卷

刊本司馬公題籤內第二第三第十第十一第十二共五版鈔補

明淮海朱應辰訂梓北江閩人冷序吳郡都穆跋云唐

文皇帝集舊四十卷世不傳宋直齋陳氏本三卷昔人

謂雜以他人之文頗多譌謬而今亦不復見此本近得

之邊太常廷實按館閣書目有文皇詩一卷凡六十九

首今以詩攷之正符是數但其中春臺望乃明皇詩餞

中侍郎來濟乃宋之間詩當是後人誤入殆非館閣之

舊矣

王子安集四卷

刊本

○唐王勃撰

盈川集五卷

刊本

○唐楊炯撰永嘉張遜業校正并序云

炯華陰人幼博學聰慧揮文宏富平生著作惟存是帙

三十卷者惜未見之其自評吾愧在盧前恥居王後張

說以其文思如懸河注水酌之不竭既優於盧亦不減

王恥居王後信然愧在盧前謙也

盧照鄰集二卷

刊本

○明張遜業校正并序云照鄰字昇

之幽州范陽人歲十餘就義方之教於曹獻王善屬文

拜典籤鄧王府職王嘗以相如期之后因底疾再拜新

都尉疾作竟不能任得方士元明膏餌之處太白山中
遇父喪嘔丹疾益甚徙居陽翟具茨山預爲墓掩其所
著釋疾五悲等作暨沉痾孳廢不堪其苦與親屬執別
遂投潁水而死時年四十文集二十卷幽憂子三卷今
無可稽是集足以傳其槩云

杜審言集二卷

刊本

○宋乾道庚寅楊萬里序稱襄陽杜

審言字必簡嘗爲吉州司戶今戶曹趙君彥清殉菟遠
據得其詩四十三首將刻棗以傳好事且以爲戶廳之
寶玉大弓屬余集之余觀必簡之詩若牽絲紫蔓長卽
其孫甫水行牽風翠帶長之句也若鶴子洩童衣卽儒

衣山鳥怪之句也若雲陰送晚雷卽雷聲忽送千峯雨
之句也若風光新柳報晏賞落花催卽星霜元鳥變身
世白駒催之句也余不知祖孫之相似其有意乎抑亦
偶然乎如往來花不發新舊雪仍殘如日氣抱殘虹如
愁思看春不當春明年春色倍還人如飛花攬獨愁皆
佳句也三世之後莫之與京宜哉

杜工部詩集二十卷附文集二卷

刊本

○明嘉靖丙申玉

几山人校刊寶元二年翰林學士王洙序云杜集初六
十卷今祕府舊藏通人家所有稱大小集者皆亡逸之
餘人自編據非當時第序矣蒐哀中外書凡九十九卷

除其重複定取千四百有五篇凡古詩三百九十有九
近體千有六起太平時終湖南所作視居行之次與歲
時爲先後分十八卷又別錄賦草雜著二十九篇爲二
卷合二十卷意茲未可謂盡他日有得尙圖益諸又有
王安石序胡宗愈序蔡夢弼跋

杜工部詩八卷

刊本

○明嘉靖五年關中許宗魯編并序

杜詩集註二十卷

刊本

○宋須溪劉會孟評點明嘉靖九年陳沂序

年陳沂序

杜詩集註二十卷

刊本

○須溪先生劉會孟評點明靖江

王 刊行

工部七言律詩

刊本

○元虞集註明

須溪批點杜詩二十二卷後增趙東山類選一卷虞伯

生註一卷

羅履泰序云舊見後村詩話中評王楊盧

駢證以杜詩頗有貶數子意嘗疑後村誤認杜詩爲貶

語一日須溪談此先生因出所批本示僕曰吾意正如

此時興觀集未出也惟末章僕有欲請者客至而罷每

自恨賦遠遊病索居望先生之廬有不能卒業之愧今

興觀集行不載此每念復見先生所示本不可得族孫

祥翁得其本以示僕視六絕句批語則昔所見也其舅

氏彭鏡溪又銓摘舊註不失去取刻之以便覽者東川

黎堯卿跋云杜少陵詩舊註全冗探公心曲者鈔頃居
秣陵得劉須溪批本續見趙東山五言批評又復明備
不揣并虞伯生七言註統三子合爲一編以便檢閱其
闕解質以全集補之湘江盧綸後序

集千家註批點杜工部詩集一部刊本○宋劉辰翁編元

大德癸卯盧陵劉將孫序云先君子須溪先生每浩嘆
學詩者各自爲宗無能讀杜詩者高楚芳類粹刻之復
刪舊註無稽者汎溢者特存精確必不可無者求爲序
以傳是本淨其繁蕪可以使讀者得於神而批評標撥
是復靈悟固草堂集之郭象本矣楚芳于是集用力勤

去取當校正審賢他本草草藉吾家名以欺者甚遠相
之者吾門劉郁云

元書杜陵詩律一卷

宋紙烏絲闌鈔本卷首有尚寶少卿

三印卷末有靜思齋崑崙山人二印

○是編元至治浦城楊載仲宏氏得

之工部九世孫杜舉杜舉得之甫門人吳成鄒遂王恭
爲篇四十有三爲格五十有一仲宏以授鄒縣孟惟誠
孟因參校增註復取仲宏集中律詩數篇附刻于後以
見法不難守而詩可傳世爲不誣也楊載自有序其詩
五首京兆杜本跋孟惟誠有序并識後又莆人鄭初題
并序

杜律演義二卷

刊本

○元張性撰序殘闕

杜律測旨二冊

刊本

○明趙大綱撰

杜詩單註十卷

刊本

○明陳明輯洪武壬戌古剡單復自

序云初讀杜子詩茫然莫知其旨意註釋者雖衆率多著其用事之出處耳或有指其立言之意者又復穿鑿傳會作詩之旨意卒莫能自深竊疑焉于是屏去諸家註止取杜子詩反覆諷詠似畧見大意亦未昭晰既又得范德機氏分段批抹杜詩觀之恍若有得向所謂莫知而可疑者始釋然矣暇日輒取杜子長短古律詩讀每篇必先考其出處之歲月地理時事以著詩史之實

錄次乃虛心玩味以三百篇賦比興例分節段以詳其作詩命意之由及遣辭用事之故且於承接轉換照應處略爲之說其諸家註釋之當者取之而刪其穿鑿附會者庶以發杜子作詩之旨意積久成帙題曰讀杜愚得蓋取愚者千慮必有一得耳非欲多上人也

讀杜詩愚得十八卷

刊本

○明古剡單復撰自序與杜詩

單註同

杜詩選註七卷

刊本

○臨川董益輯敘稱平生最嗜讀然

觀舊註如魯嘗之編年黃鶴之分類劉會孟之評論雖頗詳悉病其附會穿鑿徒牽合引據而於作者之情性

畧無見焉遂校勘諸本略加刪補必求以著明作者之
初意分門歸類共爲七卷庶於初學之士或少助焉

杜律二註二冊

刊本

○明嘉靖丁未章美中序云讀杜者

容有以文害詞以詞害意而于少陵作詩之本旨多或
昧之惟伯生子常二註最爲詳明支分句解挈旨探原
宛然朱子釋詩家法故不讀杜不可與言詩不考二註
不可以讀杜偶閱關中舊本虞趙二註類爲一篇而中
州文獻地未有是刻方與牧伯蓮塘崔君議改梓之而
郟令賓賜熊子慨然捐俸舉之刻成書此以識歲月

杜詩類集二冊

刊本

○明閩人姚鳴鳳集戴金序稱是編

姚侍御李父臺史少雲分門析句撮其警語類萃成帙

杜詩長古註解一冊

刊本

○明謝省注宏治壬子王弼序

云此弼鄉先進桃溪先生所注杜詩長古若干首蓋始
得之興化郡庠程司訓懷佐而并屬之莆田邑庠程教
授應韶相與正其訛舛而梓行焉杜詩之註至千百家
若近代虞紹菴註杜律實用文公註三百篇法先訓詁
而後章旨蓋他家所不及今先生之註又用虞法而益
精以覈者也先生以進士歷官兵部出爲寶慶守三年
遂以老請于是居隱桃溪者二十年其在官在鄉所以
嘉惠生民儀式後學者具有典則此益其餘事云

杜詩長古註解二冊 刊本 ○明謝省註解并序所註係長

古詩一百四十二首

集十家註杜工部詩集二十卷文集二卷 刊本 ○明嘉靖

丙申明易山人校刊

杜律鈔二卷 刊本 ○明無錫邵寶鈔姚九功校

杜詩五七言律註解五卷 刊本 ○國朝梁溪顧宸脩遠氏

著觀陽李贊元望石氏閱同里黃家舒漢臣氏評均有

序

杜詩分類全集五卷 刊本 ○國朝中州張縉彥垣公古燕

谷應泰霖蒼輯定海鹽高士錢塘汪淇較閱西陵亮明

齋主人識云杜工部詩凡箋疏丹黃多屬蠹測甚至矯

誣穿鑿幾沒作者本意茲集恪遵古本依題分類不尙

詮釋繡梓精工校訂詳確庶幾工部真色常存天地間

識者自辨

分類補註李太白詩集二十五卷 刊本 ○唐李白撰春陵

楊齊賢集註章貢蕭士贊補註至元辛卯蕭士贊序例

云唐詩大家數李杜為稱首古今註詩者號千家註李

詩者曾不一二見非詩家一欠事歟僕自弱冠知誦李

太白詩時習舉子業雖好之未暇究也厥後乃得專意

於此間趨庭以求聞所未聞或從師以蘄解所未解真

思遐想章究其意之所寓旁搜遠引句考其字之所原若夫義之顯者槩不贅演或疑其質作則移置卷末以俟具眼者自擇焉此其例也一日得巴陵李粹甫家藏左縣所刊春陵楊君齊賢子見註本讀之惜其博而不能約至取唐廣德以後事及宋儒紀錄詩詞爲祖甚而併杜註內僞作蘇東坡箋事已經益守郭知遠刪去者亦引用焉因取其本類此者爲之節文釋其善者存之註所未盡者以予所知附其後混爲一註全集有八篇子見本無註此則併取註之標其目曰分類補註李太白集

李翰林詩類編十二卷 刊本 ○明長安田瀾序咸寧徐明府刊

分類補註李太白詩文集三十卷 刊本 ○明嘉靖癸卯吳人郭雲鵬重刊春陵楊齊賢集註章貢蕭士贇補註雲鵬後跋卷首並載唐寶應元年當塗令李陽冰序咸平元年職方員外樂史序李華撰墓誌銘貞元六年當塗令顧遊秦建碣劉全白撰記宋熙寧元年常山宋敏求後序南豐曾鞏後序其二十六卷後無註係郭雲鵬採于別集編入者

李翰林分類八卷附賦一卷 刊本 ○明廣陵李齊芳姪茂

年茂材分類同里潘應詔舒度馮春同閱俱有序茂材跋後

唐翰林李白詩類編十二卷

刊本

○明延平推官華亭楊

樞刻跋後云延平刻李詩成闕文斷簡未之或正也乙巳仲秋雙華柯翁來旬劍水首覽茲集慨然曰疇昔夢見非此也耶遂手校定之先是公按楚夢謫仙授之詩且屬以刻集入閩而茲刻僅完若有冥會而懸待之者斯亦奇矣

孟浩然集四卷

刊本

唐孟浩然撰

孟浩然集二卷

刊本

○劉辰翁評點正德甲子黎堯卿序

浩然詩三卷

刊本

○唐孟浩然著天寶四年宣城王士源

集其詩別爲十類分上中下三卷序而梓之九載沛國郡公韋滔增其條目宋廬陵劉辰翁評點明句吳顧道洪校刊凡例云余家藏浩然詩凡三種一宋刻本一元刻本卽劉須溪評點者一國朝吳下刻本集覽考訂多異同因以宋本近古依之爲準則互有字異句異者有前後倒置者有通篇不同者並於宋本內註元本作某今本作某或二本作某字句亦如之隨所詳悉復照須溪批點增入以備觀恐於此彙集而不詳考焉則愈久而愈多舛錯矣一元本劉須溪批點者卷數與宋本相

同編次互有同異類分標目凡十條曰遊覽贈答旅行
送別宴樂懷思田園美人時節拾遺共二百三十三首
多於宋本二十三首卷末須溪別有詩評二條今併八
外經詩話類一今本卽盛唐十二家之一詩以體編分
爲四卷共二百六十三首元本多於宋本二十三首今
本又多於元本三十首共多於宋本五十三首另立補
遺又採國秀集內張子容詩二首文苑英華內白雲先
生迴歌一首皆諸本所不載者名爲拾遺與補遺共爲
一卷一浩然才名逸望冠絕古今惜其事文皆散見羣
集爰立外編首錄文藝文苑本傳次襄陽耆舊傳繼而

序牋像贊跋雜文四篇又歷代名人懷贈等詩二十六
首復搜採逸典詩話等二十八條萃成一帙附於集後

王摩詰集六卷

刊本

○唐王維撰

王摩詰集十卷

刊本

○唐王維著弟王縉奉詔編輯表上

類箋王右丞詩集十卷文集四卷

刊本

○唐王摩詰著尙

書王縉表上代宗手敕平章事劉煦撰宋歐陽脩撰世
系表尙書宋初撰文藝畧云王維字摩詰九歲知屬辭
與弟縉齊名資性孝友開元擢進士調大樂丞坐累爲
濟州司倉參軍張九齡執政擢右拾遺歷監察御史母
喪毀幾不生服除累遷給事中元宗同鑾下遷太子中

允久之遷中庶子三遷尚書右丞縉爲蜀州刺史未還
維自表己有五短縉五長願歸所任官放田里使縉得
還京師上元初卒年六十一縉在鳳翔作書與別又遺
親故書數幅停筆而化兄弟皆篤志奉佛食不葷衣不
文彩別墅在輞川與裴廸游其中賦詩相酬爲樂喪妻
不娶孤居三十年寶應中代宗語縉曰朕嘗於諸王座
聞維樂章今傳幾何遣中人王承華往收縉哀集數十
百篇上之明嘉靖二十四年顧起經首題小引

王右丞集十冊○唐河東王維撰明嘉靖二十四年武陵
顧伯子刊卷首載王縉進右丞集表并新舊唐書列傳

年譜

岑嘉州詩八卷

刊本

○唐嘉州刺史岑參

著明正德庚辰

漢嘉安磐序云岑詩晁子止云十卷陳止齋云八卷高

廷又云十卷然皆不著若干篇州舊有刻本七卷近見

別本亦止七卷首卷至百篇六卷七卷僅八九篇多寡

不倫茲集收舊本無題關門古興等詩三十五篇其誤

入岑義應制詩削去之凡八卷二百七十一篇黎侍御

乾德屬嘉州守謝元良刻置郡齋

韋蘇州集十卷

刊本

○唐韋應物著嘉祐元年太原王欽

臣序稱韋蘇州集十卷綴敘猥并非舊次矣今取諸本

校定仍所部居去其雜廁分十五總類合五百七十一
篇題曰韋蘇州集舊或云古風集號澧上西齋吟稿者
又數卷可以繕寫

韋江州集十卷

刊本

○唐韋應物撰計賦一首古今詩一

百六十首宋嘉祐間王欽臣編定拾遺八首熙寧後增
入舊本另爲卷今附末卷之後而序傳跋尾別爲一卷
明戶部郎晉陵華雲視權九江謂韋公嘗刺是州命子
復初校刻之參考新舊善本頗多自謂精覈無復訛脫
韋官止蘇州曰江州者以集所由刻也

劉隨州詩十一卷

刊本

○唐劉長卿著集題隨州以其爲

隨州刺史也明西蜀李士脩知隨求其集重刻之宏治

庚申隨陽宗彝序首餘姚韓明近湖沈寶跋後

劉隨州集十一卷

刊本

○唐劉長卿撰明宏治戊午餘姚

韓明校

劉賓客外集十卷○唐劉禹錫撰

賈浪仙集七卷

刊本

○唐長江尉賈島著

孟東野集十卷

刊本

○唐孟郊撰常山宋敏求後序云東

野詩世傳汴吳鏤本五卷一百二十四篇周安惠本十
卷三百三十五篇別卷本五卷二百四十篇蜀人蹇濬
用退之贈郊句纂咸池集二卷一百八十篇自餘不爲

編帙雜錄之家家自異今總括遺逸摘去重複若體制不類者得五百一十一篇釐別樂府感興詠懷游適居處行役寄贈懷寄酬答送別咏詩雜題哀傷聯句十四種又以贊書二系于後合十卷嗣有所得當次第益諸十聯句見昌黎集章章于時此不著云

孟東野詩集十卷

刊本

○唐山南節度參謀大理評事武

康孟郊著明嘉靖丙辰武康知縣無錫秦禾重刊序稱諸家編帙東野詩互有異同宋學士敏求摘去重複及體制不類者得五百一十一首彙爲十卷東野武康產也宋景定間武康令國德成用宋本刻之曩得其集于都

氏因其宋刻而寶之癸丑冬承乏令武康緡闔邑志國令無聞焉豈宋李師旅方興忽不及錄歟爰令杭士趙伯觀正其舛訛而重鈔諸梓并錄國材原序及宋敏求序

錢考功集七卷

刊本

○唐考功郎中錢起撰明嘉靖間少

華山人羅龍淵編校跋後新安王寅序

二皇甫詩集二卷

刊本

○唐皇甫冉皇甫曾撰明正德戊

寅劉潤之重刊王廷相序云唐大歷中以詩名者有錢起盧綸等十人當時以才子目之然劉長卿二皇甫亦爲同時其才格當不在十子之下而不得與其列何哉

同寅劉潤之工于唐人之作政暇取大歷十子詩校正命梓以傳後取皇甫諸君之詩續之嗚呼君之意可以識矣卷後楊慎有序

松陵集十卷

刊本

○唐陸龜蒙著皮日休序云咸通十年

大司諫清河公出牧於吳日休爲部從事居一月有進士陸龜蒙字魯望者以其業見造凡數編近代稱溫飛卿李義山以陸生參之烏知其孰爲之後先也予以詞誘之復之不移刻凡一年爲往體各九十三首今體各一百九十三首雜體各三十八首聯句問答十有八篇在其外合之凡六百五十八首南陽廣文潤卿隴西侍

御德師或旅泊之際善其所爲皆以詞致其詞之不多去之速也大司諫清和公有作或命之和亦著焉其餘則吳中名士又得三十首除詩外有序十九首總錄之得十通生旣編其詞請于序松江吳之望也別名曰松陵請目之曰松陵集

雲臺編一部○唐都官郎中鄭谷著其自序稱游舉場凡十六年著述近千餘首自可者無幾登第後孜孜忘倦甚于始學乾寧初上幸三峯朝謁多暇寓止雲臺道舍因以所記或得章句綴于牋毫或得于故侯屋壁或聞于江左近儒或祇省一聯或不知落句遂拾墜補遺編

成三百首分爲上中下三卷目之爲雲臺編所不能自
負初心非敢矜于作者又嘉靖乙未袁郡嚴嵩刻雲臺
編序曰都官郎中鄭谷集予往得之吳中故少傅王文
恪公二本錄自祕閣予假以歸手自讐校正其譌缺三
之一刻之以補是州文獻之闕遺云

郎士元詩集三卷

刊本

○唐諫院拾遺中山郎士元著明

正德十年河中劉成德校增并序云士元字君胄中山
人登天寶十五年進士與考功郎中錢起仲文友善與
盧綸耿緯崔洞李端韓翃司空曙吉中孚夏侯審皆以
能詩名號大歷十才子昔人評云前有沈宋後有錢郎

薛許昌詩集十卷

縣紙藍絲
闌鈔本

○唐薛能撰張咏序稱薛能

詩千餘篇少得全本咸平癸卯移自咸鎬再蒞三川同
列各出薛集僅將十本五言七言二韻至一百韻凡得
四百四十八篇爰命通理太常博士王好古太子中允
乞伏矩節度推官韋宿從長參校依舊本例編爲十卷
曹祠部詩集二卷 刊本 ○唐曹鄴撰嘉靖庚子句容楊沔
序

竇氏聯珠集一卷

烏絲闌
鈔本

○唐竇常著序稱聯珠之義蓋

取一家之言以僭列郎署法五星如聯珠星郎星也詩
凡一百首故國子祭酒致仕贈太子少保諱常字仲行

詩并傳常扶風平陵人有文十八卷

鮑溶詩集一卷

藍絲關鈔本

○唐鮑溶撰

李長吉詩集○唐隴西李賀著前有杜牧序宏治壬戌劉淮後序云賀年七歲以長短製鳴為韓昌黎輩奇重舉進士生二十七年死此為少時作

白氏長慶集七十一卷

刊本

○唐白居易撰明馬元校刊

卷首載宋祁撰新唐書本傳李商隱撰墓碑銘陶穀撰龍門重脩白樂天影堂記

晦菴朱文公詩集十卷

刊本

○新安程璩校輯詩錄於大

全集中及別集他書所載而不重出者咸輯焉編次以

詞賦箴銘琴操居首次古體詩次律詩次排律次絕句而雜體樂府又其次也是以不拘其所作年月之先後其考異悉遵大全集中但移置本句之下以便玩讀及校對他善本有差訛者正之有事不同而理條貫者增註考異其下並不敢以己意附焉其原本有缺者求諸善本得者補之不得者仍舊缺之

寇忠愍公詩集三卷

刊本首頁有范氏及東明山人壬辰進士范氏圖書記四圖章

○宋

萊國公寇準著明宏治庚申平川王承裕序卷首有孫汴敕撰旌忠碑文王次翁新開寇公詩集序文范雍忠愍公詩集序文丁理行贈謚誥文卷末有隆興改元長

樂辛敦後序曰萊公人皆知其名而或不知其有詩勲業拚之也太原范伯純始收拾編錄分爲三卷宣和間王公次翁取舊集刊版以傳近時春陵守陽惇亦卽舊版重加刊治未幾而字多漫滅敦適茲承乏復校正鳩工一新云

山谷黃先生詩集內集二十卷外集十七卷○宋黃庭堅著明南昌陳沛陳沾承其父陳鳳岐之志重校刊宏治丙辰張元禎序曰寧南昌屬縣先生其縣人縣閭右有陳鳳岐者圖刻先生詩文未得斯集而卒今提學黃未齋仲昭家故所有者示其沛沾二子躍然跽請賜刻以彰先正久晦之遺文以終先人之志刻旣沛來謁序以歸之其內集二十卷天社任淵註外集十七卷青神史容註

朱張倡酬詩一卷刊本○明祝完序云朱張倡酬詩傳之當時副在名山舊矣數百年來學士大夫侈爲盛事固古今一嘉會也歲久版刻浸湮幾不可讀且編次無序雜寘各卷殊非二先生一時倡酬之義偶過東明范公談及嶽山諸勝因出家藏善本示余乃一一考訂得南軒先生五十有九首視南軒序記缺者尙多豈當時傳者之遺邪抑林樾之所作未見錄于集中邪今卽所存

者特表而出之題曰朱張倡酬詩以次分別人所易曉固有一展卷而二先生之遺蹟風韻宛然在目不徒以供遊觀者之一快也

唐子西集七卷

刊本

○宋唐庚著宣和四年鄭總太玉序弟庾有序溫陵呂柴義德脩序嘉靖三年金獻民跋云子西蜀之眉山人與二蘇相後先以詩文鳴于宋而位不通顯嘗倅綿州州之山水如雪峯院富樂山越王樓暨諸勝槩足跡所至怡情寄興皆有題詠平生著述甚多歷世綿遠卷帙散失所存者特千百中十一耳正德辛巳承乏南京偶獲鈔本詩若干篇于主事高君第遂

托金壇尹任君佃錢梓與學者共之第字公次今爲南京吏部郎中佃字相虞今爲監察御史皆予同鄉人

雞肋集七十卷

藍絲闌鈔本

○宋晁補之著紹興七年從弟謙之序稱從兄无咎平日著述甚富元祐末在館閣時嘗自製其序宣和以前莫傳今所得者古賦騷辭四十有三律古詩六百三十有三表啟雜文史評六百九十有三捐館舍逮今二十八年始得編次爲七十卷刊于建陽

具茨集六卷

晁氏寶文堂刊本

○宋澶淵晁冲之著紹興十一年陵陽俞汝礪序稱曩遊都城于晁用道爲同門生後三

十六年識其子公武于涪陵又二年見子于武信因與之善初不知其用道子也一日來謁曰先公平日多所論著自丙午之亂埃滅散亡今所存者特歌二百許篇涪陵太守孫仁宅既爲鏡諸忠州鄧都觀宥然林水之間矣敢句一言以發之出其家譜牒乃知其先君名冲之字叔用者世所謂具茨先生者也予于是聳然曰是必吾用道也耶第今字用叔爲小異耳而追懷平昔周旋之舊蓋自京師之別絕不相聞今乃幸與其子游又獲觀其所論著爲之慨嘆者久之于是乎書

石屏詩集十卷

刊本

○宋黃巖戴敏著浚儀趙汝談序云

式之與蹈中弟齊年而又俱善爲詩式之謂蹈中有高鑒盡出其平生所作使之擇焉得百餘首此編是也余讀竟見式之才果清放弟識亦精到皆非朽拙所能逮者然式之老益窮奔走衣食四方未得歸休而蹈中則下世矣自古文士往往困躓其稍幸稱遂者天輒不假之年蓋存沒俱可哀也余暇復論詩哉始命錄藏而歸其本式之且題其後以致予歎惜云別有序跋十餘篇係樓鑰諸人所作

四景詩集四卷

藍絲闌鈔本

○宋劉辰翁著內春景七十二首

夏景二十五首秋景四十四首冬景十六首

宛陵集六十卷附錄一卷 刊本 ○卷梅聖俞著前無序後

有正統己未廬陵楊士奇序曰右宋都官員外郎宣城梅氏宛陵集六十卷今宣城太守袁旭廷輔所重刻也袁君表章先賢風勵多士脩都官之坡率學諸生行展謁之禮訪都官之後始得此編遂刻以傳聖俞平生所著又有唐載二十六卷詩小傳二十卷注孫子十三篇又嘗編脩唐書此亦宣之人所當知也

西湖百詠二卷 刊本 ○宋咸祐壬申董嗣杲撰并序稱生長茲地與山水爲忘年交凡足跡所到命爲題賦以唐律幾二十餘年僅逮百首然皆日得意寓敘實模寫非但如楊郭二子披圖按志想像高唐而已

林和靖集四卷 刊本 ○宋隱士林逋著諸孫大年掇集其詩請太常博士梅堯臣序而刊之明正德丁丑戶部主事西蜀韓士英當塗喻智相繼督課至杭屬士人沈行蒐輯考訂并續以名賢題跋及近世士大夫謁墓弔輓之詞萃爲一卷復得遺像冠于卷端刑部尙書錢塘洪鐘序

黃詩內篇十四卷 刊本 ○明嘉靖癸巳成都蔣芝序曰宋之詩以蘇黃盛故黃詩多傳傳其詩集者有任淵氏洪炎氏王子飛氏黃熒氏凡四家建中靖國以後山谷將

命其平生著作曰內外篇分寧後人查子學夫得蜀本
出而不私用山谷初意正名是集以成四家所未就又
以濂溪詩冠之可謂有見乎此者矣詩在元祐戊辰後
者曰退聽堂錄在太平者錄數篇在德平者半之建安
戊申洪炎氏撰次刻本又自鄂道潭衡以後盡得之蓋
斷自退聽堂始亦既入史館後也視全集纔十之三
要之四家親炙詩教凡所編會於是乎爲精要得是篇而
全集可畧矣夫全集多眞質龐贅至精華錄則復恨太
簡內篇其庶矣乎用托之梓氏以傳悉如查子存考証
四條字校句正爲詩七百一十二首卷十四續二太常

謚議史傳周公議謚別傳

比紅兒詩集一冊

鈔本

○宋鄜州羅虬著臨漳黃預集桐

廬方慤註政和六年黃預序稱羅虬惑于紅兒旣殺之
且追其寃作絕句詩百篇借古人以比其艷其用心顧
不謬哉然覽其詩訪其事實雜出諸史氏傳記若裨官
小說傷曲取引上下數千載間有據依其聞見亦已博
矣初得此集讀之頗患不能盡記其事桐廬方慤性夫
請哀所聞以爲之註而屬余題其後

方是閑居士小藁二卷○宋劉學箕撰嘉定丁丑自序稱
游季僊來山中相訪索余詩文不寘口辭拒不能爲檢

尋舊倡和揭出一百首新作七十一首雜著二十七首
詞四十一首集成兩編以酌其雅志至正二十二年歲
在辛丑暮春從元孫張後序云右方是閑居士小藁二
集從高祖種春公所述鏤版因燬于兵遂失其本近偶
得于邑士家遂復鈔梓

文公感興詩一卷

刊本

○元新安後學胡炳文編序稱子

朱子感興詩明道統斥異端正人心黜末學六百三十
字中凡天地萬物之理聖賢萬古之心今古萬事之變
關焉始言一理中散爲萬事末復合爲一理與中庸合
朱子分中庸作五節詩凡五起伏由此十家之註以會
朱子之意未必不爲升高行遠之一助云時泰定甲子

十月望日

澗谷精選陸放翁詩集十卷

刊本

○宋陸游撰元羅椅選

大德辛丑羅愍序云揀著吟人苦心處吟時較易揀時
難大父澗上翁題趙慶御手寫唐絕句結語也揀詩之
難尙矣人謂剛後無詩非果無性情也特有剛手爾族
孫壽可以翁所選放翁陸先生詩刻本撫卷圭復涕淚
盈睫悲夫善和詩卷存者僅十一於千百而家藏膏馥
蓋流潤人間實多有能思叔敖而繡諸梓眞亢宗事也
放翁律詩鈔四卷

刊本

○宋陸游撰明正德庚辰江陰朱

承爵選序云放翁嘗從范石湖辟入蜀故其詩號劍南
集集中諸體皆備惟律尤爲和平粹美如百年浮世幾
人樂一雨虛齋三日涼畫樓酒旆滴殘雨綠樹鶯聲催
暮春槩可想見而晦翁亦善稱之余嘗編讀其集錄七
言律得三百首有奇離爲四卷因名曰放翁律詩鈔未
敢曰選摘也

西園汪康範詩集一卷刊本○宋處士汪暉撰元至正己
丑張純仁敘明宏治乙丑瀛川童端序南峯方契舜贊
像嘉靖辛丑裔孫珪跋云按先生養靜環谷山中卒老
以死再傳得我杏山先生表見於朝今之去先世也四

百有餘歲而名寔尙新賴有斯集在歲辛丑叔父中邱
先生自宦邸發來校刊復于弟珪處獲先生遺像命圖
爲小影刻之冊中因遍出家藏圖書凡先世爲名賢所
稱述者採而附于篇末曰附錄外集其先世所自著者
曰附錄內集合爲一帙

朱淑真詩集八卷刊本○宋朱淑真撰錢塘鄭元佐注宋
通判平江軍事魏仲恭名其詩爲斷腸集且序云淑真
早歲不幸父母失審不能擇伉儷乃嫁爲市井民家妻
一生抑鬱不得志故詩中多有憂愁怨恨之語每臨風
對月觸目傷懷皆寓于詩而以寫其胸中不平之氣竟

無知音悒悒抱恨而終固負此生矣其死也不能葬骨于地下如青塚之可弔并其詩爲其父母一火焚之今所傳者百不一存是重不幸也夫臨安王唐佐別有傳正心詩集七卷刊本○元宗藩楚王著不署名正德十有四年己卯西蜀劉武臣希召序首正心書院係元帝御賜堂名後遂以正心自號因名其集云

望雲集五卷

刊本

○元淮南郭奎著新安趙沔序金華宋

濂序稱奎字子章嘗從青陽先生學治經而性猶嗜詩朱幾戈甲搶攘二親與弟昆咸亡子章隻影飄零於江湖險阻備嘗悉假詩以寫之通名其集曰望雲望雲思親也卷末永樂二年吳廷桓後序

雲林詩集六卷

刊本

○元貢奎著宏治庚戌天台范吉序

云雲林詩集者禮部尙書玩齋貢先生之父文靖所作公名奎字仲章仕元爲集賢直學士沒贈翰林學士追封廣陵侯諡文靖所著有聽雪齋記青山漫吟倦遊集豫章稿上元新錄南州紀行等卷永樂間以采書收諸祕府遂大其傳惟此雲林詩集僅藏于家而亦未全也曾孫選部正郎元禮君世其業乃蒐諸元大家集中更得律詩若干篇手錄成帙用刊諸梓以永其傳云洪熙元年陳嶸序

天一閣書目

集部

卷

居竹軒詩集四卷

刊本

○元成原常著京兆部肅校中山

劉欽編至正間河東

張翥臨川危素吳中鄒奔序部肅

亦有序

傅與礪詩集八卷

刊本

○元傅若金撰任邱宋應祥點校

弟若川編刊天歷二

年四月范梈序稱新喻傅汝礪妙

年工詩自古今體五

七言皆僅僅焉力追古人有惟恐

不及意間云余所著

編曰牛鐸音者讀之連日不厭聞

其音而樂焉元統三

年七月揭傒斯序稱傅君初字汝

礪余以天下同其姓

字者衆也而易之曰與礪且以與

與汝聲相近而便于

改稱也至正辛巳六月虞集序

月屋樵吟四卷

刊本

○元天台黃庚著成化十三年維揚

張泰序稱余弟頤在

翰林嘗寄天台黃庚星甫所爲月

屋樵吟一帙惟律數

首其才膽其氣昌其音律聲響若

晚唐人因愛之後數

年頤得其全集云得于同寅謝鳴

治侍講取而讀之益

知其刻意于詩殆所謂欲進而不

遇者非耶余旣美其

用心而惜其時之勿遭因校正其

譌命刊于西塾以傳

焉其詩有一二不全者恐其猶有

遺失俟後得而續之

太原周經跋後

梅花百詠一卷

刊本

○元馮子振釋明本倡和詩

蟻術詩選八卷

刊本

○元雲間邵復孺著明新都汪稷校

遯世遺音一冊

刊本

○元黃堅爲著洪武十二年自序云

予幼有志于學長不試于用乃得肥遯邱園流憩泉石不能已于言而一寓于詠歌數年間積盈簡欲棄不忍于是采而輯之猶多散失所謂存什一于千百名曰遯世遺音宏治戊午華亭錢福宣德丁未永嘉黃淮宣德八年建安楊榮南郡楊溥正統元年胡儼魏驥均有序薩天錫詩集一冊

刊本

○元薩都刺著嘉靖十五年蒲坂

張邦教序稱元薩天錫詩舊無刻本成化間刑曹郎關

中趙君蘭獲鈔本于仁和沈文進氏後擢充守判置郡

齋藩參玉田劉君子鍾爲之序歲久板剝毀宏治癸亥

鴈門李君舉守東昌念天錫爲鄉先達不可使其集泯

沒無聞乃重繡諸梓茲又閱三十餘禩其中脫落數板

遂命工雕補字畫膠漫者並加洗剔而其集復完俾還

之郡天錫名都刺元進士山西人履歷見中秋壽母詩

自敘以詩名勝國時著作甚富此特其選云

溪園集十卷

刊本

○元周啟撰附周桀周道周迪三集景

泰四年泰和王直序云溪園集者周先生公明所作也

先生卒三十年其孫常州府太守源始編類其詩文爲

十卷而以曾叔祖台州同知仲芳尊父處士時立叔父

脩撰時簡之作附焉總名之曰溪園錢梓以傳

聞過齋集八卷

藍絲闌鈔本

○元吳海撰洪武戊寅永嘉徐宗起序稱是集藏于門人王偁家友人胡伯寧氏同知鹽運于閩見而喜之將與建寧郡守芮君志文率好義之士爲錄諸梓以廣其傳

陳剛中詩集三卷

刊本

○元臨海陳孚撰洪武壬午錢塘

皇甫暉序云天台陳剛中世胄尊顯代有聞人當元之初被召入京繼授某官與某官奉使安南觀其與國主陳日燇往返諸書開諭周至若禹鼎始鑄莫可遁其情也又自其家以至于京自京以至于安南道途往返紀行諸詩山川草木蟲魚以至人物怪異之狀靡不具載

又若圖經前陳險易遠近按之可悉數也然所作詩文大篇短章雖爲時賢推重間嘗采而載之他集迄今幾及百年而全帙則未之見浙江布政司參政順德趙公按部之暇詢及其家而得是編懼久而湮沒錄梓以行誠闡揚潛德之深意也又平湖沈琮識云余家藏陳先生剛中觀光藁交州藁玉堂藁三卷并附錄是爲洪武壬午浙江布政司版今不多見天順庚辰余知廣州得錄本校定一二譌字加書元史列傳于首繡梓以傳

靜脩先生遺詩六卷

刊本

○元劉因著

周此山先生詩集四卷

刊本

○元元統二年歐陽元序云

括蒼周君此山先生初以四明袁文靖公薦選預館職君雅志沖抱垂成而歸乃得肆力于詞章所謂樂府歌行大篇小章歌古律近製衆體畢具徃徃多可誦之句頃國子生葉敬常攜其編詣于評之予愛其無險勁之辭而有深長之味無輕靡之習而有春容之風益信其爲溫然有德之士云

斗南老人詩集四卷藍絲關鈔本○元教授胡虛白撰教授周冕編次

張蛻菴詩一冊刊本○元張仲舉著衡山釋大杼編集豫童釋蒲菴序云河東仲舉張公以詩自任五十餘年造

語命意一字未嘗苟作至正丙午春其方外友廬陵北山杼禪師以公手稿選次而刊行之徵言爲序

遺山先生詩集二十卷刊本○元元好問著段成已序稱曹君益甫謂余昔與元遺山爲東曹同舍郎未嘗一日不言詩北渡而後詩學日興而遺山之名日重間遣人卽其家盡得所有律詩凡千二百八十首又續采所遺八十二首將刻梓以傳未及而益甫歿于後四年子輓刻成求序因摭實以題其端云

倪雲林先生詩六卷刊本○元倪瓚著荆溪蹇曦朝陽編集同郡卞榮荆南蹇曦序後天順四年雲間錢溥序首

伯生詩續編三卷

繙紙朱絲
闌鈔本

○元虞集撰

龜巢摘藁三卷

刊本

○元毗陵謝應芳撰洪武十二年余

詮序稱先生門人王著集先生之詩錢諸梓先生摘其詩之什一與之凡若干卷名龜巢摘藁別有辨惑四卷行于世皆發先儒所未發先生名應芳字子蘭號龜巢老人故名其集為龜巢藁云

西湖竹枝詞一卷

鈔本

○至正八年楊維禎序云予閒居

西湖者七八年與茆山外史張貞居茗溪郊九成輩為倡和交水光山色浸沉胸次洗一時尊俎粉黛之習于是乎有竹枝詞之聲好事流布南北名人韻事屬和者

無慮百家並錄存之

任狀元遺稿二卷

刊本

○明任某著正德辛未江東陳鎬

後序云右長短五七言詩計六十一首乃洪武戊辰狀元任先生遺稿也先生由翰林脩撰任詹事府官至吏部尚書嘗奉使交南此稿皆是時所作惜其家稿散逸僅存止此而末路大節與其家所傳口語文字殊不相類俟徐為考訂以遺諸孫云御史慈谿顧英有序張琮編輯曹璘校正

滄洲詩集一冊

鈔本

○明陳某撰

擬古詩七十首

刊本

○明吳郡王世貞著吳興徐中行刻

自序稱自李都尉而下至休上人凡二十九自蘇屬國至韋左司凡四十一其古別離一章請俟異日爲後十九首故不更擬

感樓詩一卷

刊本

○明吳中賀甫著宏治四年吳人楊循

吉序

運甕漫稿七卷

刊本

○明江南布政廬陵李禎著正統元

年西昌陳循金陵李時勉序江浦張瑄校姑蘇鄭鋼編鋼後序稱吉郡守江浦張侯得全稿於先生之子定手加校正命鋼編次錢梓定感侯之德請序諸後云

綠筠軒吟帙二卷

刊本

○明瀋國親王西屏道人著萬歷

改元南京禮部尚書澤郡裴字序曰王少敏穎父憲王素耽元微家言廣蒐經史所作有西園吟卷清和聯倡潞安百詠諸集藏于家塾字昔奉命冊封過潞憲王以製詩賜今王繼承先緒不羈塵務猶長諷詠著綠筠軒吟帙若干更善廸諸嗣皆彬彬閑於禮義茲王嗣儲德輿偕保定王德軒緘書幣介言敘其實將世守爲邦家之範云

含春堂稿二冊○明恭穆獻皇帝御撰宏治十三年庚辛自序稱大明興國純一道人嘉靖五年吏部尚書費宏序云獻皇帝以成化二十三年冊封尋出閣學于西館

卽銳志經史微而太極陰陽五行顯而日月星辰山岳
河海下至花卉果疏鳥獸蟲魚宮室器用莫不因事卽
物摹寫成詩於是有含春之集及分藩之國孝宗以懿
親隆友愛之誼所賜倍于他藩獻皇帝感而不忘乃因
賜立題因題命語長篇短章體裁不一而皆發乎天真
于是有紀恩之什至於途次歷覽居藩感遇與夫書堂
雜咏續騷吟等篇皆附焉在昔輔臣彙次入梓獻皇帝
有序有跋我皇上幾餘捧誦庀工重刻親序其端

張碧溪詩集六卷

刊本

○明慈谿布衣張鈇著正德丙子
翰林編脩雲間陸深序後又書跋卷末附饒歌鼓吹曲

十一章皆王守仁擒勦寧王平定江西事其子瀾稱所
作詩文甚富茲僅得詩文一十五卷成編瀾子堯年乙
未登科補金壇始克以詩集版布遺草尙繁俟後日續
刊

邊華泉集八卷

刊本

○明南京戶部尙書歷城邊貢著郡
人劉天民彙次門人間在邦校勘卷末附神道碑濮陽
李廷相撰公諱貢字廷實別號華泉

林榕江先生詩集

十卷文集二十卷

刊本

○明御史閩中

林炫著嘉靖戊申于世璧刊其別所撰著如皇明名臣
言行集錄困知記箋卮言餘錄凡若干卷藏家塾未梓

東山集二卷 刊本 ○明兵部尙書劉大夏著正德辛巳東

湖吳廷舉序詩凡三百三十一首

見素詩集十四卷 刊本 ○明右都御史莆田林浚著石淙

楊一清北郡李夢陽序正德己卯無錫邵寶後序云先

生夙好吟咏大篇短章傳播海內初以秋官郎言事左

遷久而長憲湖南以疾歸越數年起佐南臺未幾巡視

江西又數年起靖蜀寇功成乃老今年七十而望繫乎

天下益重其間四十年所至有詩其時與地皆可考集

凡十四卷刻于公伯子達同年東莞彭君美中西蜀高

君公次少傅邃菴楊公既爲之序而公之甥太倉知州

黃君廷宣復屬寶數言于後其文若干卷別有刻者茲
不著

海右唱和集二卷 刊本 ○明濟南李攀龍許邦才著上卷

李詩下卷許詩東坡陸樾序邦才有自序

嘉靖集一冊 ○明空同山人李夢陽撰集內無序文目錄

乃元年二年三年所作詩首頁有堯鼎二字圖章

楊東里詩集三卷 刊本 ○明少師廬陵楊士奇撰正統元

年江陵楊溥爲之序

謝子象詩十五卷 刊本 ○明金陵謝承舉著初名璿字子

象夢神授其名遂改焉八歲善詩十舉不第退耕國門

之南自號野全又以美鬚髯行九人稱爲髯九所著有采毫錄東村稿西遊錄在客稿日得錄廣陵雜錄湘中漫錄總若干首子少南以進士官刑郎剛刻其詩十五卷于京師皆斷自三十年後諸稿視少南所葺僅十之三視所藏遺稿僅十之一嘉靖癸卯西蜀張湖序同里陳鳳許穀爲後序

泰泉集十卷

刊本

○明翰林侍讀嶺南黃佐著門人青霞

李時行尹瀾之嘉興攜詩刻之嘉靖壬寅平湖屠應垓莆田林雲同武進薛應旂俱有末有李時行後序

青蘿館詩集六卷

刊本

○明吳其六中行著門人新都汪

時元刻隆慶辛未吳郡俞允文序六水陳有守新都汪道昆俱有序

穀音集四卷○明吳興王良樞著自序稱自髫髻習舉子業積三十年屢試弗就乃與二三物外友放情聲律以寄意興固未可與言詩也去年春謁選歸兒姪庠生文炳文炯文耀曾輯余舊稿得若干首請刻今竊祿嶺表追從兒輩之請附以八廣稿十七首云

瑞鶴堂近稿十卷

刊本

○卷首序曰匡南朱君近所爲詩也卷內不署名字官爵前序兩首明嘉靖癸亥蜀人陳宗虞豫章余曰德撰

拘墟集五卷

刊本

○明鄞人陳沂著嘉靖壬辰古齊谷蘭宗引曰拘墟集陳石亭先生之詩也取莊生井蛙之見以自喻謙詞也梓行東昌義興任子之妻與先生之子之妻兄弟也爲重刻屬余簡其端先生之詩太史許公評品詳矣東郡許成序門人廣揚陳儒跋後

沁南稿二卷

刊本

○明建業胡汝嘉撰萬歷三年汴上陸桴序稱太史秋宇先生胡公懋禮毓秀中崧蜚聲白下兼總羣材命令當世歲甲戌以少參分守覃懷意與景會輒成著作釐爲二卷題曰沁南稿

濠梁集一冊高齋集一冊

刊本

○明同知宣州事濮上李

先芳著萬歷丁丑巴郡蹇達序稱濠梁故莊生所習遊敬亭山疊嶂樓皆宣州勝蹟先生宦遊其地一切感遇悉見乎詩各得若干卷曰濠梁集高齋集則所自名於莊謝兩先哲惓惓焉若先生全集及山房詩選則少保朱公及皇甫子循氏序之詳矣高齋集滄洲梅守德序傳響集十二卷刊本○明松陵崔澂著翰林侍講四明吳惠林屋山人蔡羽序練溪凌震後序後附同邑史鑑墓志銘汝泰哀詞名公手簡如沈石田周李少卿應楨王黃門徽周院判庚史西村鑑楊儀部循吉祝進士允明朱鶴岑存理汝太守泰趙刑部寬并名公贈言十四首

會合聯句五首又有東橋顧璘長洲文徵明林屋蔡羽
荆山楊均練溪凌震周山顧聞南濠楊循吉題詞其子
碩書後云先君性孝友嗜古力學能爲詩尤工書又善
繪事嘗脩族譜建祠堂築曾大父以下生壙樂與名人
交談道藝乃年僅二十九歲以卒史先生志墓曰將斯
文之運未復耶然豈獨崔氏一門之不幸哉可惜也已
先君暇日和唐詩并自作凡若干首碩手錄而彙次之
質諸名人皆曰有唐人風遂刻之

三州集三卷

刊本

○明司勳郎中雲南僉副安定皇甫汈

著嘗謫黃州澶州括蒼州集名三州紀宦跡也舊雕禪

栖寓楚還山江行新語諸版悉毀三稿幸無恙長子懋
嘗攜之黃州令校黃詩次琳攜之澶州令校澶詩季穀
攜之括令校括詩勒爲三卷瑯琊王世貞序稱先生爲
虞部有虞部集爲司勳有司勳集中歲依白下釋氏居
有禪栖集憲滇有南中集歸有還山集謫居爲三州集
云

南中集二卷

刊本

○同前自序稱刻三州集成季子穀出

南中稿請刻遂復登梓

公餘漫稿五卷

刊本

○明兵部尙書陝西總督河中王崇

古著隆慶二年陝西布政北海馮惟訥序稱公以草檄

餘暇輯平生所著詩篇自爲西曹以至敎歷中外投贈紀行與夫憫時諷喻之作大都備具陝藩如臯孫應鰲陝臬雲間莫如忠俱有序

聶泉崖詩鈔稿一册 刊本 ○明禮部永豐聶靜撰嘉靖辛

未門人廬陵劉芙刊歷下李于鱗稱其古體高遠與曹

劉王謝陶韋齊驅五七言沉著醞藉伯仲王孟沈宋高

岑之間吳中顧季狂深以爲知言

崑崙集八卷 刊本 ○明燕人張時著吳方九序童漢臣許

應元王椿同校刊王椿序稱崑崙張山人有詩名尤工

綴文別有文集行于世

燕市集二卷 刊本 ○明太原王穉登撰自稱甲子丁卯兩

至京師掇拾詩文釐爲二卷皆感故相國袁公之知也

名其集曰燕市取築臺市駿意

胡蒙谿詩集四卷文集十一卷續集六卷 刊本 ○明鴻臚

卿關西胡侍著侍弱冠舉進士與晉陽何中舍譙郡薛

考功齊名以鴻臚亞諫議免歸著有詩文嘉靖二十五

年梓版以行其朝章野紀他集數種已並傳于世雍張

才西京許宗魯東郡吳孟祺河汾孔天允俱有序

夢澤集十七卷 刊本 ○明吏科給事中黃岡王廷陳撰子

衡峯刊嘉靖辛亥古黃呂韶序華亭楊樞跋謂其詩文

宏而則奇而不僻足以叙季何李衙官高曹

海樵律詩二卷○明九臯陳鶴著四明章檠與之友攜其

詩之廣右託郎寧太守王脩齋刻之跋後嘉靖辛亥朗

寧陳大綸序稱集中諸作五言多類王孟七言多類岑

劉其全帙不讓何李四大家云

張禹山戊己吟三卷刊本○明禹山張含著升菴楊慎批

點卷首嘉靖二十八年楊升菴題詞卷末有吟卷附作

詩一冊

何燕泉詩集四卷刊本○明少宰彬陽何孟春著同郡周

南輯全湘蔣文化刊嘉靖丙寅後跋隆慶丁卯仁山劉

穩序

直姜子詩集二卷刊本○明知廣德州事仁和江暉著卷

後附錄廣德童謠二首建平呂盛去思記一首

允菴先生詩集六卷刊本○明翰林張達著子翊元編信

豐俞獻可校并序其詩家食時為初稿卷一成進士改

庶吉士為翰苑稿卷二給事黃門為諫垣稿卷三落職

丞吳江為南遷稿卷四謫戍遼海與得罪諸臣遊有義

樂集卷五摘其聯句若干種附卷六

少嶽山人詩集四卷刊本○明樵李項元淇撰弟元汴校

仲弟篤壽序萬歷乙亥安定皇甫序卷末季弟元汴

跋

遊梁集一冊

刊本

○明嘉靖甲寅閩中陳全之奉使至梁

周藩一樓朱勤炳梓其所著詩文並邀御史南紀曹忭為之序

海岱集○明秋梁張鐸著嘉靖甲辰有事岱宗東巡海上

既返得詩若干首卷首白世卿李開元卷末楊溥均有

序

滄洲集十卷

刊本首頁有吳岫書籍四字圖章

○明翰林脩撰太倉張泰

撰宏治庚戌長沙李東陽稱其能文而尤工於詩使與

高季迪同時同地與相馳逐殆未知稅駕之所云

谷少岱歲稿一冊○明東郡谷繼宗撰嘉靖辛卯傳漢臣

序夾谷孫光輝跋

陳山人小集一冊

刊本

○明古越陳鶴著歙人方廷璽校

刻四川湯紹恩序稱會稽名家若謝康樂如初發芙蓉

賀狂客如空中樓閣虞學士之五絕陸放翁之三逸斯

皆哀然為一代稱首晚得海樵陳子所著小集自樂府

古風以至排律絕句諸體之集蓋會四子之長而進取

之者也鶴字鳴野越東高士嘉靖甲午杭郡方九敘寶

山李金跋後

守株子詩稿二卷

刊本

○明雲間沈愷著門生朱煦朱煥

編次并序

龍田漫稿三卷 刊本 ○明吳興宣世言著崑山張環序稱

龍田初作頗宗六朝故藻思俊逸近法盛唐天然秀穎

不煩痕削又忠義感激精切過人其感遇諸詩興寄益

遠樂府諸體詞鋒姿媚哀怨深長尤得風人之旨

青藜閣初稿三卷 刊本內缺 ○明樵李戚元佐撰門人胡

日新跋

雪舟詩集六卷 刊本 ○明賈某著廣陵桑喬序稱雪舟詩

畱臺賈君之遺稿也其子箕山子刻而藏諸家雪舟久

司兵柄而兼事文業承州人士輯其詩得五七言律及

古體詩若干首東郡張相潤州呂高俱有序

穀原詩集八卷 刊本 ○明濮陽蘇祐著嘉靖戊午同郡龔

秉德序稱舜翁宦跡所歷悉有歌詠初按諸省有三巡

集司校豫章有江西集參晉有山西集巡撫有畿內集

總督有塞下集雖各有刻本類皆渙散難以彙觀予合

而壽梓於襄陽公署分為八卷名曰穀原詩集云

穀原詩續集一卷 ○同上

翔鴻集一冊 刊本 ○明張之象著國子司業朱大韶序

題橋集一冊 刊本 ○同上自序稱養疾齋居因次第相如

之事各綴以詠賦卷首有朱邦憲序文

避暑集二卷

刊本

○同上同邑董傳策序稱余成朗寧君

又以避暑集問序於予君世居龍華頃徙家舊西湖之上西湖本名谷水在郡西南里許又有隱仙巷杏花村五色泉四賢祠唳鶴涵碧等亭古蹟郡志所稱第一幽勝者也伏暑之月君與朋舊觴詠于斯得詩若干首因以名集

玩易堂詩六冊

刊本

○明楊育秀撰徐光啟序

長鈇齋稿七卷

刊本

○明馮遷撰潘恩序云長鈇齋稿者

上海馮君子喬所著也子喬負隱居之行居然瓠落齋子逢時類古齊客馮驩遺有一劍蒯緱耳且又同姓廼

以長鈇名齋因以名其集稿云子喬名遷父雪竹先生以韻人聞于時理光林樾授徒勤誨一意尋繹夫詩父子陸沉闖闖之區性逸雲霄之上作詩取材漢魏效法盛唐雪竹之詮辭俊逸氣格清新庶幾入室子喬採掇菁英鋪張平實可謂升堂叔氏子潛亦能嗣音步武說者評雪竹之韻猶宋蘇明允之父子喬伯仲則子瞻之流亞也厥有旨哉國初楊廉夫孫大雅遊寓著聲表海叟顧孔文風詩振譽宏正嘉靖以來益多作者近如邦憲肆力古文時稱巨擘焉與子喬諸君倡和賡載夫進德脩業資飲友朋振古如茲故予序子喬詩並錄時賢

表童美盛期以拭目將來且示後之尙論者有所攷焉
邊華泉集八卷 刊本 ○明尙書邊貢撰劉天民彙次并後

序門人閻在邦校勘

海叟集二卷

刊本

○明雲間袁凱著正德元年李夢陽序

白嶽遊藁一卷

刊本

○明沈明臣與吳守淮唱和之作嘉

靖癸亥王寅序云辛酉冬予遊武林館於瑞石山麓四
明沈嘉則來訪識面契合卽與定交往來湖山懽逾夙
締每談必曰君家白嶽黃山余夢寐久矣今得君有地
主矣余將畢此願也臨別各賦詩一章予有白嶽黃山
問路程之句癸亥夏嘉則以問安胡司馬來新都過予

王潭把臂大笑曰白嶽黃山之願今可畢也以訪吳原
柏過南溪原柏聞嘉則有此願卽從往白嶽旬日淹留
盡窮峯壑巖洞之勝而歸乃持書招予過南溪嘉則出
白嶽所賦詩評之原柏所和半焉嘉則曰予將勒詩持
歸東海之上誇予社中諸子君其序之予曰君社中諸
子若張孺毅君從子箕仲予友也貪珠者聞珠而欣于
沈浦嗜獵者聞獵而豔于入林子知二子白嶽之興勃
然不必問路程于予蓋以君此詩爲前旌矣

雷氏白雪樓詩集三卷

刊本

○明舒州雷鳴春著隆慶辛

未朱宙楨序稱古舒雷公肇元擅賦詠才不爲近世聲

偶其格調高雅傳於詞林曩官西曹因題其集曰白雪樓志所自也余過南陽公守是郡唐藩宗正紹齋君刻斯集成辱命爲序

和李杜詩十三卷 刊本 ○明張楷著自識云景泰間余和李翰林古樂府二百五十餘篇杜少陵律詩二百五十首旣脫稿天順己卯調官南臺海虞劉以則來京求其母孺人墓誌因出示之以則請爲余繡梓以傳遂與之歸鏤刻旣畢以書來報并書此以弁其端

朱陽仲詩選五卷 刊本 ○明朱陽仲甫著嘉靖三十二年川北崔官刻并序云侍御黃公西野出其友朱陽仲甫詩見示予讀之七言古有初唐風骨五言選則知學魏晉者五七言又似中唐以後人作其近代詩人乎侍御云陽仲死未三十詩僅存三之一嗟夫豐才嗇壽造化叵測或精華之發太早耶詩凡三百二十二篇選去五十五篇今存二百六十七篇共五卷予刻之蒼洱間黃中王養端王時儉均有序

雙溪詩集八卷 刊本 ○明杭淮著弟洵重刊嘉靖乙未晉江王慎中序林東海跋

嘉南集三卷附一卷 刊本 ○明舒纓著自序稱余涉仕以來出入艱危者屢矣癸卯歲又渡浙沂服官長沙會時

暑雨方滋觸冒連旬甫及息肩而病且作旋復告歸舟
中伏枕聊檢前後所作集為此編題曰嘉南蓋竊慕屈
子嘉南州之意也

陳后岡詩集一卷

刊本

○明陳東著吳郡皇甫汭序稱嘉

靖庚子余友陳子約之以憲職督學於梁卽捐館淇上
歸襯越中太史唐子應德祠郎熊子叔抑不遠數千里
漬絮酒以入甬望總帳而出涕撫藐孤于素室搜遺稿
于名山而後相與別去余方依廬未果從邁嘗遺之詩
悲焉亡何唐子剛定其所爲詩若干卷就荆令某登梓
而以序屬余因占爲敘并系詩于末簡

澤秀集七卷

朱氏竹素齋刊本

○明無錫顧起綸著同邑王問李

文麟成都楊慎長洲皇甫汭評選錢唐洪楸編次嘉靖
丙寅錢塘田汝成敘稱顧子元言無錫世家穎悟絕倫
八歲誦詩讀書背碑覆局十七善屬文詞賦如流水爲
世父少保禮部尙書榮僖公所鍾愛故其優游宦邸調
笑公卿則多紀盛攬勝之作薄游羈役慷慨呻吟則多
寓言述志之作金馬碧雞鬼門海角則多宣風懷土之
作宴集邱園從容酬酢則多臨高興矚贈別詠歸訪古
悲時停雲嘆逝之作凡斯之體各以彙聚具載其元言
昆明勾漏訕藻舊林諸集暨感遇有編知非有歷猶以

爲詩不易作亦不可徒作也選其諸集中犁然當心者
僅存什一別之爲集舉似楊太史用脩號之澤秀取其
所鍾皆靈澤之秀也卷首有高應冕集評一篇暨元言
齋舊敘一篇楊慎撰昆明集舊序二篇其一楊慎撰其
二皇甫汈撰訓藻集舊敘一篇陳鴻撰書勾漏集舊敘
一篇李文麟撰感知編舊敘一篇自題舊林集舊序一
篇自題男祖源校梓

甘泉子古詩選五卷

刊本

○明湛若水撰門人謝錫命何

鴻周榮朱同編選謝有後序後附門生沈桂奇啟

遊蜀吟稿二卷

刊本

○明劉某撰嘉靖丙申中川陳講序

稱遊蜀吟稿有賦有古詩有近體凡二卷廼函山劉子
之所作也函山負齊魯之望少工于詩未昌也迨爲選
部郎以言事黜壽州屢遷廼副蜀臬函山曰金躔與區
天下山水之宗天地之至文麗焉天與茲行其有意以
肆吾文乎于是歷梁宋之郊覽周秦之都陟鳳嶺跨劍
閣六旬而蒞蜀行部所至覽勝以摘思睇景以載咏遂
成巨帙嘉靖丁酉咸寧司馬泰有序

吳中二集合璧集五卷青藍集四卷

刊本

○明王寵黃魯

曾王守蔡羽撰黃魯曾序云惟林屋山人爲魯曾前後
博達秦漢文賦而加有巧思逸致所以詩篇華溢海內

惜其困頓棘試不以科甲超軼士羣晚遇渭涯先生爲知音其詩亦未閱而評之魯曾是以精選慎鈔諸梓與王氏守寵二子之言並傳之末附鄙詞非宋儒所謂推援亦非文中子之所妄擬類也命之曰吳中二集所以表吳人之可進于古之作者焉耳

白沙詩教解十五卷

麗澤書院刊本

○明陳獻章著門人湛若水

輯解隆慶改元丁卯長洲王庭序稱先生嘗著詩教一冊其門人甘泉先生爲之解曰詩教者蓋先生之教寓于詩而非教人以詩也非教人以詩而詩學在其中也郡博東魯李環洲先生特刻是集于學宮非深于白沙

之教何能如是隆慶改元吳郡顧存仁序東吳王問臣序嘉靖四年湛若水序沈庭訓重寫又自序一篇周恭先書字海岱李苜重刊隆慶丁卯并識姑蘇管志道跋

河汾集八卷

刊本

○明薛瑄著孫祺編次閻禹錫校正有

序謝庭桂重校成化五年序稱河汾詩一帙先生孫刑部主事祺之所彙萃門人國子監丞閻君禹錫讐校凡八卷一千一百三十首

怡齋詩集三卷

刊本

○明藩王成鐘著嘉靖戊戌何瑋序

梅初詩集

刊本

○明湖南蒲圻魏觀著曾孫銘編次泰和

尹直楊導同校卷首載洪武三年誥命古濠沐璘撰像

贊成化元年南陽李賢序又有金華蘇伯衡梅初亭記
安成彭時蒲山牧昌集序泰和楊導梅初詩集敘卷末
有成化元年曾孫銘後識

望雲集五卷刊本 ○元郭奎撰嘉靖辛卯吳廷翰序稱集
五卷爲五言古詩者三十七爲詞歌曲者十三爲七言
律者百有九排律七雜詩四十四淮南郭君子章之所
作也舊名望雲版刻于廬今巢邑亦有之歲久字多磨
滅間取稍正之付括守吳君亞甫校刊新安趙汭金華
宋濂均有序

謝孔昭詩集一冊

藍絲闌鈔本

○明吳門謝孔昭著永樂癸未

朱逢吉序稱得之其友王均塾中因爲之序後有汝南

周傳浚儀張肯序

大復集三十七卷

刊本

○明何景明撰嘉靖三年蘭谿唐

龍序稱康德涵張時濟皆何子之友也何子旣歿張子
收其遺稿訪康子于澠西之野而共揚摧之凡得若干
首時關中執事君子咸興嘉樂之懷乃刻而傳之嘉靖
十年王廷相序嘉靖三年康海序嘉靖乙卯濂渠鄒察
跋其傳行狀暨墓誌銘喬世等撰

舜原和唐七老詩一卷

刊本

○明御史蒲坂楊瞻著自序

稱胡吉劉鄭盧張六賢皆多壽余亦次焉于東都敝居

履道坊爲尙齒之會七老相顧旣醉且靜而思之此會
希有因各賦七言六韻詩一章以紀之或傳諸好事者
時唐會昌五年三月二十四日樂天云余與方山劉公
成德少參楊津景公瀾太守懷德裴公鉉柱史龍谷劉
公一中大尹竹門劉公一正大參小川荀公汝憲使作
河中七老社適小川以唐七老詩示感今仰昔余遂各
次之初不計石之混玉也嘉靖己酉婿王崇雅跋萬歷
元年孫俊民跋俊士俊彦俊卿俊臣同校

瓊瑰錄二卷

刊本

○明湘源蔣冕著嘉靖壬午李璧序云

少傅敬所先生湘源蔣公官翰林時於其舅氏陳君以

照之歸滇也嘗賦詩送之厥後都相位復作詩九首以
寄念母之深待舅之厚于是乎可攷璧官臨安過通海
訪諸陳氏得是詩而讀之重其類乎古之道謹爲次錄
名曰瓊瑰蓋取涓陽卒章之義併以當時同官諸公所
贈詩文附焉

少泉詩集十卷

刊本司馬公題籤并
古司馬氏之印章

○明京山王格著嘉

靖己亥崔銑序辛丑顧璘序

沈詩粹選六卷

刊本有天
一闕印

○明沈愷著吳下皇甫汈選序

稱雲間沈鳳峰大夫謝秩山棲暇日取所撰述合詩與
文彙次成集凡若干卷幾萬餘言題曰環谿志所居也

余爲序而傳矣然雜著相錯繁蕪未翦活版紕繆剗
欠精因將詩嚴選而重梓以布藝苑總得樂府四十二
首五言古詩七十六首七言古詩九首五言律詩一百
首排律二首七言律詩一百首絕句一百五首勒爲六
卷題曰沈詩粹選

吳兵部集一卷 刊本 ○明舒州吳檄著嘉靖十七年西蜀

蔣芝序

自泉元諭詩一卷 藍絲闌鈔本 ○明張獻翼著

王彭衙集 刊本 ○明王謳著嘉靖乙未九變陳嘉言後跋

云王子關中八名謳字舜夫別號彭衙山人正德丁丑

進士爲冬官主事改秋官員外郎轉山西按察司僉事
所向以文章飭吏事傑然爲當時所重踰三年以疾歸
而亡春秋才三十有六也嘉言素善王子而愛其詩因
於乃兄青門子求所遺稿得一十二冊攜以入楚請于
漢東子體別子而託范守欽刊諸木云

蘇門集八卷 刊本 ○明河南高叔嗣著并自序別有陳東

序

西菴集十卷 刊本 ○明孫蕢著宏治十六年吳郡張習序

云洪武間西菴孫先生於詩觸口成章宛若夙構不費
思而意味自足迨今百有餘年往往播誦其一二於人

口又嘗見於正音選粹等篇然其平日所作甚富其全則未之見習承乏廣之提學徧求士夫家尤以未獲爲慊茲引老歸檢舊篋得西菴集一帙固未可遽謂之全然有樂府歌行五七言古律絕諸體稍備大理寺正陳公以道過吳取覽而悅之委吳郡太守林公思紹圖欲印行二公皆先生鄉人故知之深而好之篤林公仍屬習校其亥豕釐爲十卷俾序諸首先生諱蕢字仲衍西菴其別號廣東南海人官翰林典籍奉使秦晉楚蜀之境改經歷左遷魯之平原簿後又戍遼陽以終云崑山顧恂題後

卞郎中詩集六卷 刊本 ○明卞華伯著門生吳縝編刊寄良序稱華伯自進士歷官戶部郎中居京二十年朝騎甫歸櫪持牘者輒擁限日應百篇風揮雨灑故詩名動天下及讀豫而還山邀水請燕求越購筆髡硯勩而詩益奇以其自號蘭堂故江湖之上觀蘭堂署者詩未誦而心先醉焉蘭堂詩各體凡若干首其門生無錫吳以榮謀爲繡梓儒士徐延齡預爲校正之以予同年欲得數語云

括菴先生詩集 刊本 ○明四明錢瓚廷佑著男峯輯孫鳳來次隆慶己巳蜀富順宋豫卿序云余曩爲水部時曾

與憲使錢桐陽公同事于徐聞其上世多顯者云越五年余守東昌又二年龍溟君來判郡事蓋桐陽公之姪也因叩其世系曰先祖括菴先生七子先君鹿山公行二從父桐陽公行六祖官憲副七子獨桐陽公躡其芳先君雖能文勿售余心識之今夏會余有霸州兵備之命龍溟君出其祖括菴先生所爲詩一帙示余曰此先祖精神心術之所存先君志欲鋟梓未就乃桐陽公刻之永豐又多遺漏今芟蒐得若干首視舊稍增矣將重刻之以成先君之志闡吾祖之幽光而補永豐本之所未備也願得一言以弁諸首簡遂序而歸之

唐西州存詩五卷

刊本

○明戶部左侍郎瓊山唐胄平侯

著嘉靖辛亥泰泉黃佐序

泊菴詩集二卷

刊本

○卷首尾無序跋有少峯識云泊菴

姓梁名潛江右人洪武永樂時仕至某官五世孫梁號定齋由舉人監官辰州府通判惠我此集上下二本詩有可觀存之

在野集一卷

刊本

○明天順甲子雲間袁凱景文著同郡

張璞校選朱應祥評點正德丙寅重刊江東矩菴陳鎬跋後張璞序云在野集吾松袁先生所著詩先生國初以科發身拜監察御史得癩疾告歸終老田野集因以

名集中詩百二十有六篇嘗得吾友朱岐鳳評點先生之詩校選手錄一畢深嘆舊無刻本使先生詩道鬱堙遺吾松之愧適吾故人楊瑛氏之仲子傳聞而慨然請於父刻之遂序于先生集端先生別號海叟

半洲詩集七卷○明蔡經著莆田王鳳靈序云明興百六十年聲詩駿盛作者蓋數十家吾聞稱鄭少谷氏今大司馬半洲蔡公其甥也詩法多從外氏而實宏厥聲始令嘉禾有南行之稿以大中丞撫齊魯有東巡之稿乃今總制百粵又有蒼梧之稿桂山馮子彙而次之概稱半洲集云別有黃臣王納言劉天民張鵬李義壯林瓊等序馮承芳引

甘泉先生兩都風詠四卷

刊本

○明湛若水著李祺序云

祺自嘉靖乙酉拜教成均先生以理學訓俗而文藝後焉然絃歌不輟詩教以行初得所著樵風讀之此外恨不盡見歲甲午先生秩宗留都祺亦備員于茲再承色笑間以詩法爲請先生手示一編題曰兩都風詠蓋遊宦南北隨事倡酬後樵風而作者請鏤棗以廣其傳先生不可適同寅沈君復齋按吳攜本以去吳令朱子敬之先生鄉人也遂付梓人屬祺序諸簡首述其刻之之由如此

何氏集三十七卷 刊本 ○明信陽何大復著嘉靖十年王
廷相序云大復集辭賦三卷四言古詩一卷樂府二卷
使集二卷家集五卷京集七卷秦集一卷內篇一卷外
篇四卷通二十六卷別論若干卷刻在潞州斯集棗行
久矣尙未有序其甥王朝良屬余序之

雁蕩山樵詩集十五卷 刊本 ○明廣東布政東甌吳元應
撰福建僉事孫吳朝鳳輯閩游居敬校序稱曼亭諱元
應字順德初襲章姓至南岡君疏復吳姓東甌樂清人
成化乙未進士授南京禮科給事歷湖廣少參陝西大
參至方伯正德初年卒其父爲尙書恭毅公綸在景泰

年間有奇節而公屢陳論諫有乃考風其猷烈載志乘
晚又號雁蕩山樵故以名集

與泉先生詩集二卷 刊本 ○明徐淵著嘉靖庚申門生張
淵序

鷗汀漁嘯集六卷 刊本 ○明涿鹿頓銳著同郡楊淪校嘉
靖三十四年河中裴紳江南清吏司信陽岳東升皆有
序鄒察序後曰涿鹿鷗汀頓公負雋才登進士官地曹
以疾乞身隱於懷玉臯湖之間足跡罕入城市故能肆
力典籍得三百篇之遺響其所著鷗汀集暨別集已經
屏城鶴峯二太史先生刻行于世茲漁嘯集二卷我范

溪焦先生隆尚鄉德復繡之梓余爲僭言云

黃矩洲詩集八卷草堂續稿二卷刊本○明南海黃衷著

會稽徐九臬青蘿山人王漸達族子學準俱有序嘉靖

二十一年瓊臺鍾芳仲實首序公字鐵橋別號矩洲官

少司馬

麗澤錄二十四卷刊本○明李夢陽撰吳世良序

遊嵩集一卷刊本○明喬宇薛蕙倡和詩鐫天民序云昔

司馬公謝政居濟洛時詣夏縣展墓同范景仁過韓城

抵登封憇極下浣登嵩頂入崇福宮由轘轅道出龍門

遊廣愛奉先諸寺上華嚴千佛巖涉伊水至香山凡所

經過多有篇什歷閱傳記所載每恨不獲生與同時而

勤執鞭之役今年秋九月太宰白巖喬公歸自京口道

出亳州乃拉亳人薛君君采同遊嵩山山遊凡五日三

塗二室諸景畢歷倡和詩凡得若干首旣幸同時又素

辱公教且與君采爲同年契厚適以攝篆汲泉不獲從

遊慨歎若何時公有詩見憶得非以彼林霏嶠月泉瀑

墟煙筆硯之下少走一爲指顧亦登眺之缺耶

田兵部集六卷朱絲關鈔本○不著撰人名氏集中有贈巖介

翁暨謝四溟詩知爲嘉隆間人

介立詩集六卷刊本○不著撰人名氏中有贈文待詔徵

明暨湛甘泉詩知係嘉靖間人

翰林詩選四卷 刊本 ○明金陵黃榮著并自序

關遊稿一卷 刊本 ○明張大儀著嘉靖丁酉許魯宗序云

黃門張子使關中著關遊稿邠守計子刻之傳寄許子其詩始自華山終於僊隱篇什富矣若夫集句之作彙萃衆美組繪成章尤難能者後有吳本固序

春雨軒詩集十卷 刊本 ○明鄱陽劉某撰卷首有元虛羽人危素等序汝南周象初後序

京寓稿一冊龜城寓稿一冊 ○明四明倪珣著萬歷己卯自序云在京凡首尾七閱祀羈身仕祿率多適意寫情之作存之傲筭苒友輩爲余刻龜城鄙作因并索此刻之別有丙寅進京癸酉出京路作四十五首亦附刻其後

熊士選集一冊 刊本 ○明熊卓著司馬公校刊正德七年李夢陽序云熊士選者豐城曲江人也名卓字士選宏治丙辰進士除平湖知縣後擢監察御史劉瑾矯詔黜歸者四十有八人士選及余與焉踰年起余官江西過豐城訪其人于曲江之濱亡矣乃收輯其遺詩可讀者六十篇錄之俾藏于家

溪南游詩三卷 刊本 ○明吳國倫著

竹廬詩集一冊 刊本 ○明吳璉著嘉靖九年鄱陽胡韶序

甬東雜詠一卷 刊本 ○明呂兌著姜子羔孫整同校萬歷

甲申邵陞序

端居集一卷 刊本 ○明楊祐著嘉靖壬辰蔣芝跋云右端

居集為詩歌詞凡若干首為同年錢塘丹泉子舊著

均奕詩集一冊 刊本 ○明郭鳳儀撰李春芳序云同年元

池郭子暇出其夫人桐岡公所為均奕集以示讀之藹

然王孟風韻所謂反諸理情以求自得者斯集出而風

雅暢矣公名鳳儀字舜符桐岡其號登嘉靖丙戌進士

今為黃州郡守云

清江二家詩選二冊 刊本 ○鷺沙詩集二卷明孫偉撰心

遠堂詩草二卷明敖英撰

默菴詩集一冊 刊本 ○明曹義撰曹安序云滇臬僉憲句

容曹公以其叔父吏部尙書子宜公默菴詩藁示余俾

校編而序其所以且曰此吾叔父所著非一朝一夕之

故吾弟中書舍人恒欲鋟梓以傳而不果者予因閱而

論之古詩多效陳伯玉韋應物平淡閒雅得風雅翼中

意長短歌行間出奇句亦不失溫李風五七言近體絕

句思致清遠出入高逵夫劉文房張文昌諸公機軸間

非探風雅之意以唐人為宗而用功之到者能之耶姑

天一閣書目
蘇陳先生嗣初爲翰林五經博士時予少聞閣老以下
多以詩文質之今觀此稿有題張真人枯木竹石絕句
一聲霖霖墮天星驚起潛蛟出海溟烟雨滿林秋漠漠
竟從何處弔湘靈公手批云博士陳先生看恐非唐人
意更休效此體是則公詩之宗唐夙有定見公諱義子
宜其字默菴其號故集因以名之僉憲名景字廷彰繇
名進士拜監察御史轉僉閩滇臬中書諱冕字廷端並
仕鴻臚屢遷典制中祕令昔皆以文學鳴于時謂非本
公之教也歟因併著之俾人知其所自

虛巖山集六卷 刊本 ○明周詩撰嘉靖乙巳孔天允序

畧云山人歸吳門自浙歸也歸有送將別離歎也初山
人送友來至浙江望見山水憺而忘歸盡歷九秋日展
游眺每發一詞輒歸隱逸之宗有諧麗則之義時鹿園
南衡先得其弔鄂一篇將軍埋骨處過客式英風北伐
生前烈南枝死後忠山河戎馬異涕淚古今同淒斷封
邱草蒼蒼落照中余與龍巖少峭同觀以爲絕唱遂訪
山人而識之山人亦賦五言以見志焉乃山人戒霜寒
理迴棹言從舊林別我新契故登山臨水送而將歸矣
送詩共若干首一抽離緒並寫茲情山人姓周氏名詩
字以言姑蘇人也遁栖虛巖之下故號虛巖又有皇甫

冲序皇甫汭跋

在澗集九卷 刊本 ○明句吳顧可久著嘉靖辛亥晉江王

慎中序

靜齋詩集六卷 刊本 ○明莆田黃約仲著裔孫獻可志畧

云公諱約仲號靜齋少博學工詩聲調祖初唐永樂初

年召天下文學之士寔史館校諸書公時以庠士被命

入京脩大典書成交皇御西角門親試天馬歌上林曉

鶯二詩擢第一遂官翰林典籍遷檢討在翰苑二十年

以親老疏求近地教職便祿養乃俞允除汀州府教授

尋卒于官其詩文書法多傳于後惜散落不一家庭所

掇拾又多失真丙申秋始采閱之去其重複僅得六

十餘篇錄刻之

顧東橋息園存稿十四卷 刊本 ○明姑蘇顧璘著嘉靖戊

戌漢陽同知洛陽陳大壯序

新刊賢已集四卷 ○明石臺山人慈谿李士元著門人館

陶王無逸王無違校嘉靖辛亥自序于後

玉芝樓稿二卷 刊本 ○明通郡于野曹大同子貞著卷末

附贈言詩十三首并文二篇一林懋舉撰一黃士觀撰

陳芳洲集三卷 刊本 ○明大學士陳循著卷首有像楊士

奇贊有成化七年復舊職誥文并自序正德二年嗣孫

陳馥序曰先少保芳洲公被誣謫戍每于風晨月夕摘取古人所製詩句集成短什凡若干首彙以成編叔父無逸先生係以年譜并頌辭刊行于世惜遭回祿爰命工重刊俾後之子若孫得有所攷云

黎陽王太傅詩選一冊○明王某著正德戊辰秦下楊儀宗德行部至濬據遺稿屬山東大參石侯刻之郡齋并爲之序

重刻松雨軒集二卷刊本○明平仲微著嘉靖庚子邑人

陳霆序稱松雨軒集凡若干卷鄉先生平仲微氏詩也仲微仕國初旣而謫戍滇海黔國憐其才請俾脫籍禮

之賓館者十餘年晚以校職歸老正首牖下集初刻于滇南世遠地阻傳者益寡其裔孫重刻以傳原集皆詩茲裒拾殘贖附以記賦

何仲默集十卷刊本○明何大復著嘉靖三年蘭谿唐龍

序西安門人費槃李文華神雲漢張三畏校刻武功友生康海序稱仲默所著數萬言可以上薄屈宋董賈有相如子長之風顧世無知之者獨曰何子有詩人之遺意厥覲淺矣仲默豈特工于詩者十六年秋仲默旣卒又三年次第其文爲若干卷首賦次詩次文皆隨體區裁因製列卷題曰何仲默集錄存家笥仲默子別有傳

記茲不載

定齋先生詩集二卷

刊本

○明鄞邑王應鵬天宇著嘉靖

庚申同郡印巖王鈞序稱定齋先生歿二十年其婿陸和叔氏畢業南榮雍攜其遺詩三百六十首見于予而刻之予與和叔中表也而人亦曰予知先生者請爲之序婿陸激序後

巢曉集四卷

刊本卷面有四明范氏家藏六字圖章又有一圖章

○明曾榮撰成化

七年辛卯繁昌吳琛序云先生名榮字子啟吉之永豐人永樂二年狀元及第文皇帝簡進士二十八人就文淵閣盡出中祕書俾進所業先生其首也遂晝夜淬礪

文與學俱進文皇召試先生迅筆千百言立就以是深見獎重遂名聞天下所作碑銘序記表傳詩賦流布遠邇先生謝世後其全集惜未之見僅存巢曉集一帙約詩二百餘首湖臬僉事廬陵陳方正觀得而繡梓未幾方物故版隨散失近者長清張公大振來湖掌憲乃以舊本繕寫命翻刻之

戴氏詩集二卷

刊本

○明戴冠著嘉靖己亥陽州任良幹

序稱公出大復之門妙契宗旨故其形諸聲歌播諸吟咏機軸自別于衆其稿散逸賴仲子川京振先聲僅存十之一二余嘗刻大復遺稿三卷茲以載

未分爲二帙

歸川授梓捐捧以助其不逮著之家塾與大復稿並顯于世云公名冠字仲鵬別號邃谷登正德戊辰進士官至提學副使素履悉于碑誌傳畧

甘白先生詩集六卷

刊本

○明張適著永樂元年朱逢吉

序

江臯集六卷又附遺稿一卷

刊本

○明雲間馮淮會東著

同郡徐獻忠序曰江臯集者上海唐子世具顧子汝脩喬子啟仁朱子邦憲所刻雪竹馮山人詩也山人名淮字會東華亭曹涇里人平生晦跡林樾自高其志于世一無所慕而獨究于詩有子曰遷脩詞立行山人以是

無內外慮其詩多自得之意不蹈陳跡而寫撰情景多驚人語所藏稿千餘篇四子刪采僅此六卷別有武夷荆溪諸稿已刻不在此數

東田漫稿六卷

刊本

○明東田馬中錫著沙溪孫緒評筆

山文三畏校并序後曰家君同年進士友東田馬公以文章氣節負海內重名三畏每讀公詩文輒加敬賞焉厥嗣監生詩言近持公遺稿七卷及我凌川兄書委三畏校正鈔梓以永厥傳向之心師言于是爲有終世行沙溪端溪二公序之詳矣聊述刻書之意以紀歲月云前有同邑孫緒開州王崇慶序

憑几集五卷又續集二卷

刊本

○明東橋居士顧璘著自

序曰丁酉秋八月余發武昌行臺南歷諸郡殆遍至明年戊戌夏四月始返蓋八閱月在車之日幾半凡行七千餘里所乘惟車前有一橫版下爲抽匱藏書二三策筆硯亦具日憑而誦若几焉山川映發于目時序變易于前情感事觸悲喜百狀率口占爲詩詞將以寓懷消日不求體調所謂猶賢乎已者也止輒筆之不覺成帙題曰憑几集凡楚所得亦附焉

西巡稿三卷○明楊美益著嘉靖三十六年東泉鄭本立序稱乙卯奉命按陝西所作

青霞選稿一冊

刊本

○明嶺南李時行少借著嘉靖癸卯

錢塘田汝成序閩中洪朝跋後嘉靖壬寅長洲文徵明序首

山中集四卷

刊本

○明顧璘著嘉靖十七年鄞邑陳東序

東白草堂集四卷○明顧存仁著隆慶丁卯王世貞序黃姬水跋後嘉靖乙丑皇甫汈題辭云東白顧給舍示余詩集二編一曰使蜀志役也一曰居庸志寓也君之作大都昉于少陵故杜甫草堂子雲書院武祠昭墓全似劍外巴西蜀郡夔府諸篇居庸雖地隣邊塞而境接畿輔故昌平入達望陵出塞則似秦州諸篇矣計戊戌之

去丙申纔兩歲月耳詩頓超上乘窮而後工信非虛語也

剪綵集二卷○明雲間張之象元超著嘉靖己酉華亭何良俊序

原筮齋後集二卷刊本○明仲山王問著嘉靖癸丑潘符

序云原筮齋後集者前若干卷皆宦遊時作後若干卷則歸來時作也先生簡命之廣臬年正強仕筮易得甘節亟浩然歸耕于九里涇關山寶界每于養志課書之暇肆情游眺當其意得縱筆縷縷不少休或時跌坐噤不出一語人莫得而測也古人居閒每多日錄今觀是

編慮泊而思遠事核而理真凡一草一木一蟲一禽感物興懷胥于斯焉發之殆于日錄同旨謂之詩止也亦宜

鳳巢小鳴稿四卷刊本○明劉啟著正德丙子尹南序云

乙亥春永福合致菴劉先生奏最京師先是天官欲擢先生賓州夏五月卒于歸途其子充錄拾途次之詩凡若干卷名曰北上稿又明年其仲子魁繕寫成稿辱書及余俾引其端

駱兩溪遺集一卷又一部二卷刊本○明武康駱文盛著

德清蔡汝楠子木評閩漳浦王健于行校蔡序稱公名

文盛字質甫官翰林編脩公所爲詩沖淡爾雅辭句整
秀惟其真寫情素故得如其爲人第取譽廉故詩不强
吟吟亦不多汝楠攜公集來官江西守饒州王君健舊
令武康最爲知公得集刻而傳之

外方錄六卷

刊本

○明薛應旂著嘉靖丙午南昌鍾崇武

後序曰吾師外方先生嘗欲周遊五岳以窮奇盡變而
未遂所懷以嵩山爲五岳之中伊洛經流道源所屬尤
注意焉書古文謂嵩爲外方故人稱外方先生云先生
多著述詩錄其一也先生常州武進人少爲郡學諸生
卽以學行名南輔再蹶秋闈薦入太學藏脩游息遂興

於詩是爲諸生稿第一及魁南宮成進士觀政退食杜
門游藝是爲進士稿第二旣出宰慈谿訟庭多暇觀風
觸景感發長言是爲慈谿稿第三尋以疾請教江州多
士朋來菁莪樂育應聘入閩掄材采藻是爲江州稿第
四量移畱都考部吏事希簡條然清署秦淮山水適助
名賢是爲考功稿第五迨奉命考課公忠蒞事罔恤嫌
怨冒猜遭斥詠歌自如是爲南遷稿第六其諸文章亦
多類此俟他日盡出以紀厥成

篆楊名父早朝詩一卷附正文一卷

刊本

○明高唐王岱

翁篆嘉靖壬戌自序云書法惟鳥跡入神域而後肩擔

秦篆爲獨盛然依稀軌踪古意猶存自是名家輩出寢
失古法久爲識者之惜予忝宗室讀書之餘樂觀篆書
有志未逮與弟齊東王同侍嚴親膝下命習篆書且曰
早朝詩有忠君之意楊柳塘又我朝名臣凡書必早朝
詩數年來因暇日漫書一部錢梓以示予府子孫爲家
教敝帚于金實不時見篆不時用亦不自厭况宗室爲
無用之人篆書爲今時不急之學以無用之人習不急
之學不亦宜乎

雨軒外集八卷

刊本

○明僧陸溥洽撰卷首載敕諭及御
祭文又廬陵楊士奇等塔銘敕賜鳳嶺講寺記廬陵鳳

忱等撰文宣德九年羊城陳璉序

石田詩選十卷

刊本

○明沈周著華琨編選宏治庚申吳
寬序云桐城沈氏自親菴徵士已有詩名于江南二子
貞吉恒吉繼之至吾友啟南名大播不特江之南也其
子鴻雲欲得予序其石田稿啟南詩餘發爲圖繪妙逼
古人或謂拚其詩名而卒不能拚也

使金陵稿一卷

刊本

○明濮陽李先芳著自序稱歲孟春
大司農以邊需告匱請于朝將使江省諸郡徵發焉余
乃被命有留都之役距兩都相值幾千里時方春煦百
物蕃蔚蒨物燕趙魯衛之墟桑柘徧野谷鳥閒關如簧

足延耳目于是弔獲麟于西郊問商鼎于穀熟探塗山之禹跡詢楚漢之故事渡江望鍾阜臨石頭恭謁陵寢始竣乃事行李所貯古今各體凡四十有二首踵北山之義云爾同郡蘇澹有序

咏物新題詩一卷刊本 ○明瞿佑著自序稱少日見謝宗

可咏物詩愛之因效其體亦擬百篇其已咏不重出也才踈語拙不可追配前人藏之家塾以資吟覽正統丁

卯陳信秋鴻跋

窺豹集一冊刊本 ○明錫山過時霽撰天順五年設經序

稱過君時霽宗徐王郡馬之後貴富好禮性敏勤學而

尤喜吟咏集類成編目之曰窺豹有華嶽題窺豹集詩附後其園扉倡和詩敘同邑張九方撰

靜芳亭摘稿八卷刊本 ○明陳洪謨撰吳興顧應祥序稱

靜芳亭稿若干卷爲今少司馬高吾陳先生所著其門人判常德府事聶君璜輯而刻之以傳

田深甫詩集二卷刊本 ○明田汝耕撰嘉靖癸亥陸東序

云吾邑田深甫詩六卷若干篇蓋深甫歿後其子龍見輩所掇遺稿也賈戶部子薦攜之都下余與翰林李子

田共詮之得一百四十四篇定爲二卷刻之

和唐詩十卷刊本 ○明張昇著門人楊一清序稱南城伯

厓先生張公作詩務學唐得其肯綮嘗取近代所編唐詩鼓吹七言律詩次第屬和之隨題步韻以當時之故實發今日之性情久之彙得五百八十七首藏于家先生既捐館舍其伯子今浙江左布政使張君元錫將入梓以傳屬余序昔襄城楊士宏選編唐音李杜韓詩皆不錄君子嘉其有識以三大家詩有難以選而求也先生所和自盛唐至晚唐各有取而前三家闕焉其亦士宏之見與

壽梅集二卷

刊本

○明上海朱元振著嘉靖甲寅長洲文徵明序稱君爲清脩積學之士得所著壽梅集于其諸

孫察卿詩才百篇真鳴盛之作也惜罹鬱攸遺草燼滅察卿與其父福州公子文再世搜訪僅僅得此

虛舟集五卷



刊本

○明王偁著宏治六年冬桑悅民懌序云閩之三山世英王先生初爲名進士入翰林爲庶吉士授地官主事擢副郎出守袁州以學行文章發爲政事其豈弟有循吏之風凝重得大臣之體公暇尤畱心文事慨鄉之先達王君孟揚以文名當世因翻刻其虛舟集以傳孟陽父友石山人仕元爲總管國朝死節先生并刻其詩亦屬予爲之序永樂丁亥廬陵解縉序後士齋詩集三卷

刊本

○明女史鄒氏著嘉靖三年婿鉛山

費宏序云士齋姓鄒氏為贈翰林編脩國子丞未軒濮公之配以其子編脩和仲貴封孺人少聰慧其父贈御史郡博益軒先生教之列女傳諸書速解冥契而又博覽子史以含咀其菁華形諸吟咏見者無不奇之以為是無愧于能言之士矣因以士齋稱之然孺人未嘗苟作惟未軒公及和仲之嘗所往來厚善有託而求焉者乃時作一篇應之其稿亦多棄不錄宏以為請則曰筆札非吾職也是特纂組之彌文烹飪之餘味耳何足以傳諸人人耶比太平守傅侯希準奉其母太夫人就養郡齋以東山愛日十題懇孺人賦之侯以為能寫純孝之誠歎曰郡有班姑謝娘可使之泯沒而無傳耶命其諸孫太學生訓錄稿閱之為繡諸梓



文獻通考

